

M501: Lilienfelder Andachtsbuch

- 0,1a *serpens decepit mulierem*
 0,1 vrouwe Eva und Adâm der wîse .
 0,2 wonten unlange in den paradîse .
 0,3 unz sie wurden an gelogen
 0,4 von dem tiuvel . der nâtern boeslîche und mit vrâzheit betrogen .
 0,5a *dixit dominus . “ubi es Adâm”*
 0,5 nû Adâm unde Eva daz obez genôz
 0,6 si erkanten sich zehant wê blôz .
 0,7 dô was ouch got komen dâr .
 0,8 unde wolte Adâmes nemen wâr .
 0,9 dô hête er sich verborgen .
 0,10 got sprach “wâ bist dû Adâm ich stên hier mit unsiten unde in sorgen .”
 0,11a *expulsio Adae de paradiso .*
 0,11 got treip sie beide vûre die tûre
 0,12 unde sprach ze den engel “stant dâr vore .
 0,13 mit dînen swerte viurîn .
 0,14 unde lâze ir niht wider in .
 0,15 waz ob si lîhte ezzen
 0,16 des obezzes dâ mit si des tôdes vergezzen .”
 0,17a *Abraham tres vidit et unum adoravit*
 0,17 Abraham durch küele gesezzen was .
 0,18 under die tûre sînes palases .
 0,19 er was in grôzen êren .
 0,20 sîn vröuwede wolte sich mêren .
 0,21 drî jungelinge sach er dâ .
 0,22 den gienc er engegen unde an bæte den einen sâ .
 0,23a – – – – –
 0,23 got wolte versuochen Abrahamen
 0,24 an Isaac sînem sâmen .
 0,25 er gebôt im sôgetâniu werc .
 0,26 unde zeigete im ûf einen berge
 0,27 ob er wolte gotes willen tuon .
 0,28 daz er . opfert im sînen sun .
 0,29 des was er gote gehôrsam .
 0,30 der vater daz kint nam .
 0,31 und wolte ez nû toeten
 0,32 dô half im der engel von noeten .
 0,33 unde sprach “niene toete . daz kindelîn .

- 0,34 sunderliche hinder dir daz widerlîn .”
 0,35a – – – Moyses
 0,35 Moyses ein stûden brinnen sach .
 0,36 âne allen ire ungemach .
 0,37 dâ bî erkenne – die reinen meit .
 0,38 diu vore Kristes geburt unde nâch behielt wole ire . kiuscheheit .
 0,39a – – – – – Sinai
 0,39 dô – – der himelisch got .
 0,40 – schreip diu zehen gebot .
 0,41 dô gebôt er jungen unde alten .
 0,42 zwei dâr ûz sunderliche behalten .
 0,43 daz si von ganzem herzen minneten ire schepfære .
 0,44 und ein ieslich mennische sînen ebenkristene getriuwe wære .
 0,45a – – – – – virgine
 0,45 gehoert ir ie vremeder mære
 0,46 danne dirre bote êrbære
 0,47 kûndet der juncvrouwen .
 0,48 daz der heilige geist beschatwen si welle unde betouwen .
 0,49 alsô daz si gebere
 0,50 maget wesente einen sun edel und hêr .
 0,51a – – . Mariae
 0,51 als disiu boteschaft geschach
 0,52 in einen halben jâr dâr nâch .
 0,53 sach – ire niftel . Elisabethen .
 0,54 wan sie zesamen ganze liebe hêten .
 0,55 dâr umbe habent si sich umbevungen .
 0,56 – wart schône billiche entvungen .
 0,57 Johannes vrôuwet sich des in sîner muoter wambe .
 0,58 wan – was dâ . den er dâr nâch prediget unde gelîchet einen lambe .
 0,59a – – – – Christi
 0,59 an der schrift vinde ich vûre wâr .
 0,60 daz – drî tochter gebar .
 0,61 die hiezen alle Marîen .
 0,62 von der êrsten valsches vrîn .
 0,63 wart geboren Jêsus Christus .
 0,64 – – deus .
 0,65a – – – invicem
 0,65 ze Bêthlêhêm in den lande
 0,66 die vihehirte pflâgen an sünde unde an schande .
 0,67 des vihes unde dô si wâren an ir huote .
 0,68 dâr schein in ein engel hêr unde guote .
 0,69 der kûndete in liebiu mære .
 0,70 alsô daz geboren wære .
 0,71 got den – nennet ein kint
 0,72 er offenet mit im vride allen liuten di ûf der erde guotes willen sint .
 0,73a venientes magi cum muneribus
 0,73 bî kûninges Herôdis zîten .
 0,74 erschein ein stern wîten .

0,75 dâ mit di künige wurden gemanet .
 0,76 daz geboren wære der heilant .
 0,77 der werlte erloesære
 0,78 si tâten im schoene êre .
 0,79a iussit Herôdes occidi pueros
 0,79 Herôdes schuof toeten sint .
 0,80 vile manic hundert tûsent kint .
 0,81 diu von zwein jâren .
 0,82 noch sougeten unde niht entspenet wâren .
 0,83 er prüvet daz mort unde ire sterben .
 0,84 dâr umbe daz er wolte – verderben .
 0,85a Josef et Maria obtulerunt Jêsum in templum
 0,85 dâr nâch wart got .
 0,86 ze den tĒmpel brâht als ez gebôt .
 0,87 diu êwe von sînem künne .
 0,88 nû erkennet michel êre unde wünne .
 0,89 diu an gotes muoter ist und was .
 0,90 als ich ez an der wârheit las .
 0,91 si ist daz si was .
 0,92 unde heizet des kindes palas .
 0,93 alsô daz der muoter tuom .
 0,94 niene bekrenket den magettuom .
 0,95 der kristengeloube von ir saget .
 0,96 daz si ist muoter unde maget .
 0,97 durch reinigunge gie si zuo den tĒmpel niht .
 0,98 als den vrouwen noch hiute geschiet .
 0,99 si ist alles meines bar
 0,100 wan ire lîp was ie lûter rein unde klâr .
 0,101a – – – – – Aegyptum .
 0,101 ze einen zîten dô Joseph slief .
 0,102 in den slâfe der gotesengel im rief .
 0,103 er sprach “stant ûf und nim daz kint zehant .
 0,104 dâr zuo sîn muoter und vliuch in Egiptenlant .
 0,105 und wis dâ unz ich dir sage”
 0,106 ez sprichet sô der wîssage .
 0,107 “vliuch di juden ze den heiden den dû bist unkunt .”
 0,108 in propria venit et sui eum non receperunt .
 0,109a invenerunt parentes Jêsum sedentem eum in medio doctorum
 0,109 nâch der gewoneheit was – komen .
 0,110 ze Jerusalêmen und sîn vriunde dâ hânt vernomen .
 0,111 von im vile der wîsheit .
 0,112 den lêrærn hête er vüre geleit .
 0,113 der heilige geist hête in von himel gesant .
 0,114 er solte ouch tuon got wâren den mennischen bekant .
 0,115a venit Jêsus in Jordanem at Johannem ut baptizaret
 0,115 den touf Jêsus an sich genam .
 0,116 von dem voreloufære sancte Johan .
 0,117 daz zeigen di zeichen . unde urkünde .

0,118 den touf er uns heiliget daz er uns bræhte von sünde .
 0,119a - - - - - . “- - - isti - fiant”
 0,119 zehant dô got getoufet wart .
 0,120 ez wart niht langer gespart
 0,121 von heiligen geiste . wurde - brâht
 0,122 in die waste der tiuvel im dâ gedâhte .
 0,123 daz er got wolte versuochen âne nôt .
 0,124 er sprach “bis dû ez der gotes sun . sô sprich daz dise steine werden brôt .”
 0,125 got antwurte dô .
 0,126 “niht versuoche dînen got unde hêrren alsô .”
 0,127a - - - - - deorsum
 0,127 dâr nâch in kurzer vrist .
 0,128 nam er unsern hêrren - Krist .
 0,129 in die heilige stat unde wolte in versuochen ze den andern mâl .
 0,130 ûf dem tÊmpeldache “lâ dich hin ze tal .
 0,131 unde tuo dich dâ mit bekant .
 0,132 ob dû ez bist der heilant .”
 0,133a - - - - - mê
 0,133 ze dem dritten mâle wolte niht erlân .
 0,134 got wolte versuochen der satân .
 0,135 ûf einen hôhen berge daz geschach .
 0,136 wellt ir hoeren wie er sprach
 0,137 “wilt dû an beten mich .
 0,138 die werlte unde ire êre gibe ich
 0,139 dir gewalticliche alle .”
 0,140 dâr nâch kômen die engel mit schalle .
 0,141 unde dienten gote als billich was .
 0,142 von im muoste scheiden satanâs .
 0,143a - - - - - montem
 0,143 got sach ze einen stunten .
 0,144 ein volc er unde sîne junger begunden .
 0,145 îlen ûf einen berc .
 0,146 er lêrte si begên heiligi werc .
 0,147 doch ze jungest sprach er sô .
 0,148 “sælic sint die durch den namen alpha et ô
 0,149 ungemach hier an ire lîbe lident .
 0,150 ire lôn ist in dem himel grôz dâ si allez übel vermîdent .”
 0,151a beati pauperes spiritu . maledicti spiritus superbiae
 0,151 der heilige evangelista wile .
 0,152 daz di diemüetigen haben niht ze vile .
 0,153 unde willicliche arme sîn .
 0,154 dâr umbe gebe in daz himelriche mîn trehtîn .
 0,155 des sint die hôchvertigen verzigen .
 0,156 in der helle geschiet in ze ligen .
 0,157a - - - . - - - - - pessimis
 0,157 got nennet der sælicheit eine .
 0,158 daz der mennische sîn sünde hier beweine .
 0,159 swer trûret wirdet von gote getroestet

- 0,160 di sich vröuwent an boesen dingen von dem tiuvel werdent sie geroestet .
 0,161a – – – – – avari
 0,161 sælic sint ouch die .
 0,162 di sich lazzent dürsten unde hungern hier
 0,163 gernt sint rehticheit .
 0,164 wê den argen die mit girischheit .
 0,165 sich alsô bedenkent .
 0,166 daz ire sêle in der helle giel senkent .
 0,167a – – . – inpatientia .
 0,167 ich hân ouch daz gelesen .
 0,168 daz die alle sælic wesen .
 0,169 die semftmüetic sint .
 0,170 vervluochet sîn ouch diu kint .
 0,171 die lebent mit ungedulte
 0,172 unde vertragen dechein schulde .
 0,173a – – . – discordes .
 0,173 wellt ir nû wizen mê .
 0,174 daz allen den wole geschê .
 0,175 die vridebæric sint
 0,176 sie heizent unsers hêrren kint .
 0,177 di ab den unvride üebent .
 0,178 und die kristenheit betruobent .
 0,179 di lident angst und nôt .
 0,180 und gênt dâr mit in den êwigen tôt .
 0,181a – – . – feroces
 0,181 eine sælicheit ich iu nennen sol .
 0,182 diu gevellet gote ûz der mâze wole .
 0,183 daz sint die barmherzen .
 0,184 die der armen gebresten und smerzen .
 0,185 sô si hungert gebent daz ezzen .
 0,186 unde dâ bî der nehten niene wel vergezzen .
 0,187 di sich ouch über di armen
 0,188 niht wel erbarmen .
 0,189 den wile ich vüre wâr sagen .
 0,190 daz si in der helle werdent âne barmunge begraben .
 0,191a – – – . – malivoli
 0,191 der guot sancte Matheus
 0,192 schrîbet an sînem buoche sus
 0,193 daz got niemannd müge sehen .
 0,194 niuwan des herze man kunne gespehen .
 0,195 mit reinicheit unde mit tugende .
 0,196 wâ ist nû diu jugende .
 0,197 unde ouch eteswâ die alten .
 0,198 di sich sô haben behalten .
 0,199 daz si sich alsô tuon wel rechen .
 0,200 daz si ze den boesesten sprechent
 0,201 –[...] drücken .
 0,202 unde in ire dienst mit hinderrede – .

0,203a - - - - - . - persecutores .
 0,203 -[...]
 0,204 -[...] diu bezziste .
 0,205 ez ist sancte Pêters -[...]
 0,206 gelouben
 0,207 wile man halt in -[...]
 0,208 sælicheit .
 0,209 daz in verbernt -[...]
 0,210 guoter liute ahtent hier .
 0,211a - - - - Canaan Galileae .
 0,211 ein brût louft wart getân .
 0,212 ze einen zîten als uns schrîbet sancte Johan .
 0,213 dâr was gebeten Josef unde Maria .
 0,214 di heiligen zwelivbote wâren mit im dâ .
 0,215 diu vrouwe under den gesten .
 0,216 sach dâ den gebresten .
 0,217 daz si wînes hêten niemere .
 0,218 ez geschach in Canaan Galileae .
 0,219 daz êrste zeichen daz got ie getet .
 0,220 durch offenunge sînes namen unde durch sîner muoter bete .
 0,221 er machete wazzer ze wîne .
 0,222 unde hiez schenken dem hêrren architriclîn .
 0,223a - - - - - suis
 0,223 al die werlte sêre wunderte
 0,224 wie ez got - vûnvzic hundert .
 0,225 mennische in einer wüeste spîsete .
 0,226 unde von zwein vischen ir sulet sîn bewîst .
 0,227 wer noch hiute dirre werlte ire narunge gebe .
 0,228 der mê danne hundert tûsent ist unde si hât in sîner pflege .
 0,229 niuwan got von himelrîche .
 0,230 disiu wunder sint einander al gelîche .
 0,231a - - - - - recepit .
 0,231 dô - kint kom gegân .
 0,232 ze Sidon unde - dâ begunde an .
 0,233 in gelouben und beten ein heidenisch wîp
 0,234 si sprach “erbarme dich über mich wan mîner tochter lîp
 0,235 ist besezen mit dem boesem geiste .
 0,236 ich bite dich -[...] daz meiste
 0,237 erlose mîn tochter” er sprach zehant zuo ir
 0,238 “nâch dînem gelouben geschehe dir”
 0,239a - - - - - . - Christo - erigebat
 0,239 ez geschach an einer stat .
 0,240 daz got ein grôze zeichen tet .
 0,241 an einen armen wîbe .
 0,242 di mit gesmogenem lîbe .
 0,243 hête gelebet manige zît .
 0,244 diu was iemer mêre gesunt . sît .
 0,245a - - - - - est .

0,245 gote volgete . nâch ein menige .
 0,246 ein vrouwe was dâr under diu wolte zeigen ire venje .
 0,247 dâr umbe wan sie hête bevangen .
 0,248 siechtuom starc und lange .
 0,249 den man nennet daz bluot .
 0,250 sie hête vesten gelouben unde muot .
 0,251 swie si begrîfe sînen mandel
 0,252 si würde gesunt âne wandel .
 0,253 diz ouch geschach .
 0,254 wan got sîn genâde ir gap . unde verjach .
 0,255a ----- peccata
 0,255 die juden hêten ze ein mâle gedâht .
 0,256 versteinen ein wîp dô wart si brâht .
 0,257 ze gote sie riefen alle sus .
 0,258 si hête getân ein überhuor die wîle schreip Jêsus .
 0,259 an di erden mit sînen vinger ein .
 0,260 der âne sünde sî der werfe an si den stein .
 0,261a ----- cognovit .
 0,261 der ursprinc aller wünne
 0,262 quam gesezzen ûf einen brunne .
 0,263 vore müede . in dwanc diu mennischheit .
 0,264 ez was ein wîp dâ bereit .
 0,265 dô bat im sâ des wazzers geben .
 0,266 daz guot er ir mit sôgetânen wazzer gebe daz êwige leben .
 0,267a ----- dominus
 0,267 Jêsus aller genâden vollicheit .
 0,268 machet einen mennischen bereit .
 0,269 der was ein stumme unde ein tôre .
 0,270 nû bitet süntære daz er uns munt und ôre
 0,271 als ganzlîche entslieze
 0,272 daz sîn heilige lêre dâr ûf unde in endelîche vlieze .
 0,273 – ûz einen mennischen treip .
 0,274 einen tiuvel der was ein stumme unde ie gerne beleip .
 0,275 bî den liuten unde noch gerne belîbet .
 0,276 di zît er mit in hin trîbet .
 0,277 alsô daz er in versperret den munt .
 0,278 sô daz ire sünde den priestern niht wirdet kunt .
 0,279a ----- curavit
 0,279 got kom gegangen .
 0,280 in der juden vürsten hûse dô hête in erlanget .
 0,281 ein man der hête die wazzersucht .
 0,282 er bat in im geben des gesundes vruht .
 0,283 dô sprach got unde vrâgete die gelêrten .
 0,284 die geteileten an dem herzen unde verkêrten .
 0,285 “ist ez urlouplich daz man an dem vîrtage mache gesunt .”
 0,286 si swigen unde tâten im decheine rede dâr über kunt .
 0,287 iedoch heilet er den siechen man .
 0,288 mit sîner hant der schiet vroelich danne .

- 0,289a ----- eorum
 0,289 durch grôziu wunder diu geschâhen .
 0,290 von Jêsu dô begunden ouch gâhen .
 0,291 zwêne blinden dâ si in vunden .
 0,292 si bâten an den selben stunten .
 0,293 durch sînen namen gedrît .
 0,294 daz si von dem blintrîch wurden gevrît .
 0,295a ---- . ----- fecit .
 0,295 ein kint daz sîn muoter blint gebar
 0,296 daz beleip dâ mit unz an daz jâr
 0,297 daz got durch die sûntære wolte
 0,298 mêre mangel lîden als er solte
 0,299 die juden eines tages in vrâgeten
 0,300 wan si gein im ofte . murmelten unde vrâgeten .
 0,301 durch welich sünde er blinde wær geboren .
 0,302 got sprach semftlich unde âne zorn .
 0,303 “er hât niht gesündet dâr umbe ez sî geschehen .
 0,304 daz er nû entbiret sînes sehenes .
 0,305 sunderlîche daz got dâr umbe werde geêrt .
 0,306 unde sîniu werc an im gemêrt”
 0,307a ----- . ----- Jêsu .
 0,307 got quam gegangen in ein kastel .
 0,308 zehen ûzsetzen liefen gein im die lûte unde helle .
 0,309 riefen gelîche ûz einem munde .
 0,310 “– ein gebietær erbarme dich über uns unde mache uns gesunde .”
 0,311 er sprach “gêt unde zeigtet iuch der pfafheit .”
 0,312 an dem gange wurden si gereinet von ire leide .
 0,313 dô daz under die zehen einer gesach .
 0,314 daz sich diu miselsuht an im brach .
 0,315 er kêrte wider dâ er – vant .
 0,316 unde viel im ze vuoze umbe sôgetân genâde als er an in hête gewant .
 0,317a ----- . ----- surgente
 0,317 – in ein schiffelîn gie .
 0,318 unde ouch mit im als ich ez weiz die
 0,319 sîn junger hiezen .
 0,320 dô si ûf daz mer gestiezen .
 0,321 von gotes gebote begunde sich trûeben .
 0,322 daz mer unde die winde sô starke üeben .
 0,323 daz daz schiffelîn mit wazzer was nâhen bedaht .
 0,324 ez die zwelivbote nâhen brâhte .
 0,325 in grôze vorhte unz si under andern dingen .
 0,326 “heil unde hêrre” von ungewiter mitalle muosen singen .
 0,327a ----- Jêsu
 0,327 einem vürsten sîn tohter verscheiden was .
 0,328 als ich ez an der wârheit las .
 0,329 dem mohte leides niht mêre gewerren .
 0,330 dâr umbe quam er ze unserm hêrren .
 0,331 er saget im sînes jâmers nôt

- 0,332 unde klaget daz sîn tohter wære tât .
 0,333 er getrûwet im des daz er wolte geben .
 0,334 ob er es geruochte si hête wider daz leben .
 0,335 ir sulet wizen an der selben stat
 0,336 gewert got des vürsten bete .
 0,337a ----- . ----- aspicientibus
 0,337 ez geschach daz got gienc hin ze Naim .
 0,338 mit im sîn junger dô brâhte man zuo im .
 0,339 einen tâtten der was ûf gebâret .
 0,340 sîn muoter ez sêre beswæret .
 0,341 diu ein witewe was unde hête kinde nie mê .
 0,342 si schrei vile ofte “ouwê”
 0,343 daz got sich muoste erbarmen .
 0,344 über die voregenanden armen
 0,345 unde erquickete den jungelinc mit dem worte .
 0,346 “stant ûf habe daz leben hier unde dort .”
 0,347a ----- suscitant .
 0,347 den dritten tâtten den got hiez ûf stên .
 0,348 der was bruoder sancte – Magdalênen .
 0,349 der was begraben unz an den vierden tac .
 0,350 und tâtter in dem grabe lac .
 0,351 dô got im wolte wider geben .
 0,352 durch biten sîner swester ditze leben .
 0,353 er erquickte in mit micheler arbeit .
 0,354 vore den juden des was im sîn vater von himel bereit .
 0,355a ----- Jêsû
 0,355 Jêsus in eines vürsten hûs quam .
 0,356 durch siechen dô daz vernam .
 0,357 – sancte – swester .
 0,358 durch ire siechtuom sô wart ie vester
 0,359 wie gerne . si daz getranc der buoze wolte niezen
 0,360 si kom ze dem arzâte – unde lie vliezen .
 0,361 die zehar von ire ougen .
 0,362 dâr mit si gert stillen unde betouben .
 0,363 gotes zorn und sînen wernden slac .
 0,364 unde den siechtuom der ir an der sêlen lac .
 0,365a ----- asina
 0,365 an dem palmetage daz geschach .
 0,366 dô man got ûf dem esel rîten sach .
 0,367 diu kint dô wâren im mit dieneste snel .
 0,368 si sprâchen “daz ist der juden küninc von Israhel .”
 0,369 si
 0,370 –[...]–
 0,371 –[...]–
 0,372 –[...]–
 0,373a ----- domini .
 0,373 got mit sînen jungern az .
 0,374 als man begêt an dem antlâze .

0,375 er sprach "mich verrætet under iu einer hînaht"
 0,376 dô wart under in ein michel gebracht .
 0,377 dô sprach ire aller iegelich
 0,378 "ob got wile meister daz ne bin ich ."
 0,379 dô sprach ez Judas
 0,380 der untriuwen vol was .
 0,381 "bin ich ez doch niht hêrre"
 0,382 jâ vrâget in sancte Johannes dô .
 0,383 "meister welicher sol ez under uns sîn"
 0,384 dô sprach unser trehtîn .
 0,385 "dem ich gibe daz gedunket brôt ."
 0,386 – er ez dô bôt
 0,387a – – Judae
 0,387 übel schuof – sînes hêrren dinc .
 0,388 ze sînen mortgesellen er gienc .
 0,389 er gap in umbe drîzic pfenninge .
 0,390 daz was ein mortlich gedinge .
 0,391 umbe einen hêrren alsô lobesam .
 0,392 daz er doch umbe in niht mêre nam .
 0,393a – – – – discipulorum
 0,393 ez sprach – "entwahe ich dir ."
 0,394 ze sancte Pêter "dû ne hâst anders dechein teil bî mir"
 0,395 Pêter der sprach dô
 0,396 ze unserm hêrren alsô
 0,397 "daz wære mir ein michel unheil .
 0,398 solte ich niemer decheinen teil
 0,399 nie gewinnen mit dir
 0,400 entriuwen lieber Krist mîn êr wir
 0,401 uns scheiden müezen
 0,402 daz dû mir zuo den vüezen
 0,403 dwahest houbet und hende
 0,404 des –[...] ende"
 0,405a – – – – Oliveti
 0,405 mit sînen jungern kêrt er dô danne .
 0,406 ze Olîvête wole als verre daz ein man .
 0,407 mohte gewerfen mit einem steine .
 0,408 dâ betete er wande ez was hêr unde reine .
 0,409 er sprach "vater sî ez mûgelich .
 0,410 des ich dich bite sô gewer mich .
 0,411 sô erlie mich dirre marter grôz ."
 0,412 der sweiz von im an die erde vlôz .
 0,413 der was als ein bluot sô rôz .
 0,414 grôz was . sînes herzen nôz
 0,415 Krist sprach "nû geschehe der wille dîn
 0,416 vater von himel unde niht der mîn"
 0,417a – – – – Judae
 0,417 Judas sprach "den ich dâ küsse daz ist .
 0,418 mîn meister Jêsus Christus .

0,419 vüert in gewerliche
 0,420 sô tuot ir wîslîche .”
 0,421 dô sprach unser – zuo .
 0,422 “– wie nû .
 0,423 mit disem kusse verkoufes dû der maget sun .
 0,424 dû ne wilt niht wole sô muoz ich selbe tuon .”
 0,425 si griffen ungezogenlîchen an .
 0,426 sancte Pêter schiere gewan .
 0,427 genendicliche ein swert .
 0,428 sînes hêrren vînde hête er gerne gewert .
 0,429 er sluoc des bischoves knehte .
 0,430 ab ein ôre niht daz linke sunder daz reht .
 0,431a – – – Jêsum
 0,431 ez giengen gein dem heilande .
 0,432 die gotes vînde .
 0,433 mit swerten unde mit kolben
 0,434 si wâren im erbolgen .
 0,435 Krist sprach “wen suochet ir hier .”
 0,436 “wir suochen den heilant” sprâchen sie .
 0,437 “Jêsum Nazarenum .”
 0,438 dô sprach got “ego sum”
 0,439 iesâ wart er gefangen .
 0,440 dô was sînen jungern vile leide ergangen .
 0,441a – – – – ancillam
 0,441 ez was bî den selben zîten kalt
 0,442 ûf den hove was viur dâr stuont manic helt junc unde alt .
 0,443 Pêter gienc ouch dâr zuo stân
 0,444 –[...] ruofen an
 0,445 “wie der sî solich dû bist”
 0,446 –[...]
 0,447 –[...] mit dem trûgenære .
 0,448 diu rede was im swære .
 0,449 Pêter sprach “ich en weiz wer er ist .
 0,450 den ir dâ heizet Krist .”
 0,451 zehant kom ein ander dâr in gegân .
 0,452 diu begunde in an ruofen sân
 0,453 “dû bist ouch der ein .
 0,454 mit Jêsum Nazarenô” dô sprach er “nein”
 0,455a – – – – –
 0,455 des andern morgenes vile vruo
 0,456 die juden giengen im aber zuo .
 0,457 unde stiezen in harte sêre .
 0,458 vûre – den rihtære .
 0,459 – der sprach dô
 0,460 zuo den juden alsô
 0,461 “brâht habet ir mir vûre einen schuldigen man
 0,462 saget waz hât er getân .
 0,463 ich kan an im niht erkiesen .

0,464 wâr umbe er daz leben sule verliesen .”
 0,465a – – – – kapîte – – – – coccineo .
 0,465 ir habet wole vernomen
 0,466 daz – von – was bekommen
 0,467 ûz –[...] Herôdes
 0,468 der vlîzic was sînes tôdes
 0,469 –[...] wider –[...]
 0,470 durch vîntschaft die ze –[...] ire übel muot
 0,471 –[...] dô hiez er in kleiden in ein wîz gewant
 0,472 unde sante in wider dô man – den grâven vant .
 0,473 dâ wart er gehoenet .
 0,474 unde mit einer dürnînen krône gekroenet
 0,475a – – – – – eum .
 0,475 zehant si niht langer biten .
 0,476 under diu ougen si im sputen .
 0,477 daz –[...] in vaste zuo der siule bunden .
 0,478 unde ze den selben stunten .
 0,479 vile halsslege si im gâben .
 0,480 unde begunden in vrâgen .
 0,481 wer in ze dem ôren sluoc .
 0,482 daz er semftlich vertruoc .
 0,483 wan er dâr wider nie niht gesprach .
 0,484 weder “och wê” noch “ach .”
 0,485 an einer stat wole Kalvarie genant .
 0,486 an daz kriuze bî henden und vûezen man in bant .
 0,487 daz ez sîn muoter an sach .
 0,488 getriuwelîche er zuoe sprach .
 0,489 “vrouwe lâ dir Johannen an kindes stat entvolhen sîn .
 0,490 Johannes an den selben triuwen entvelhe ich dir die muoter mîn .”
 0,491 dô stuont diu maget hêre .
 0,492 mitsament dem junger in grôzem sêre .
 0,493 “sun – genâde sage ich dir .
 0,494 des dû hâst begangen mit mir .”
 0,495a – – – – – novo
 0,495 Joseph was gotes junger dâr zuo ein edel man .
 0,496 vûre Pilâten kom er ze der selben stunt gegân .
 0,497 unde bat in als sîn herze gerte .
 0,498 des wart ouch sâ die bete gewert .
 0,499 zehant er ab dem kriuze nam
 0,500 den heiligen gotes lîchnam
 0,501 er in mit edel tuochærn bewant
 0,502 unde bestatete in ze sînem grabe dâ nie dechein tât wart bekant
 0,503a – – – – – . – – – – custodes .
 0,503 an dem dritten tage erstuont got niht eine .
 0,504 von dem tôde sunderlîche manic tôdes gebeine
 0,505 mit im als di schrift jihet .
 0,506 êr vore erkante ein grôz geriht
 0,507 über die des grabes pflâgen .

0,508 von eines engels slage erkomen sie daz vüre tôt lâgen
 0,509a – – – – – domini
 0,509 –[...] an zwîvel dechein .
 0,510 got sancte – Magdalênen êrste erschein
 0,511 nâch sîner urstende
 0,512 “ze mînen jungern ich dich sende”
 0,513 si sagete in daz mære
 0,514 daz Krist erstanten wære .
 0,515 ez was Pêter unde Johannes
 0,516 dô komen geloufen –[...]
 0,517 –[...] ende
 0,518 –[...] sende
 0,519a – – – – –
 0,519 an dem selben tage wart got enein
 0,520 daz er sich gesellete zuo sînen jungern zwein
 0,521 dô sie giengen gein dem kastel Emmaus
 0,522 si –[...] in dâ beten –[...] mit –[...]
 0,523 daz ez – wære des kundenes niht wole verstên –[...]
 0,524 –[...] er jach daz er vûrebaz wolte gên .
 0,525 doch –[...] mit in
 0,526 er entslôz in ob den tische den sin
 0,527 dô er daz brôt –[...] brach unde ire ze
 0,528 –[...] zehant wurden si gewar
 0,529 daz ez – wære
 0,530 ire meister und ire hêrre
 0,531a – – – – – Jerusâlêm – – – – – mellis
 0,531 dâr nâch kom unser trehtîn .
 0,532 ze Jerusâlêmen dâ junger sîn .
 0,533 in einem hûse beslozen
 0,534 wâren er sprach ze sînen schiltgenôzen
 0,535 – – ze dem andern mâle .
 0,536 sehet ir wie getân quâle .
 0,537 durch di werlte hân geliten
 0,538 lîp hende vûeze sint mir versniten .
 0,539a – – – – – clausis
 0,539 dô got sînen jungern erscheint was .
 0,540 danne was niht gewesen sancte Thomas
 0,541 der begunde zwîveln sêre
 0,542 an sînen meister hêre
 0,543 unde jach er ne sehe die wunden mit sînen ougen .
 0,544 unde grîfe ez sô ne wolte er ez niht gelouben
 0,545 im got daz noch zeigete .
 0,546 unde sich barmherzigliche gein im neigete .
 0,547a – – – – – piscantibus
 0,547 ze dem vierden mâle des sît gewis .
 0,548 erschein got bî den mere Tiberiadis .
 0,549 dâ si vuoren vischen
 0,550 si mohten ir niht erwischen .

0,551 unz sich got in geoffenete
0,552 daz netze er sie setzen bôt .
0,553 zeswenhalben in daz wazzer in
0,554 sô viengen si wole der vischelîne
0,555a - - - . - - - - - " - - - universum"
0,555 ze dem vünften mâle - quam .
0,556 ze sînen einliven in Galileam .
0,557 -[...] in der heilant
0,558 êr vore hête gemanet
0,559 er sprach "die -[...] sulet ir kunt tuon
0,560 in den namen des vateres und sunes
0,561 dâ zuo des heiligen geistes predigen sulet ir mîn lêre .
0,562 mit -[...] ich -[...] êre"
0,563a - - - - - - - - - discipulis
0,563 wizzet waz ich iu sage .
0,564 nâch sîner urstende an den vierzigesten tage .
0,565 ze sîner junger gesihte .
0,566 ze himel vuor er gerihte .
0,567 des wurden sie trûric unde unvrô .
0,568 der hêrre hête vore gesprochen sô .
0,569 "en wære ich niht
0,570 sô verlieset ir micheln zuoversiht"
0,571a - - - - - - - - - Jerusalêm - - - - - caelo
0,571 an dem zehenden tage dâr nâch .
0,572 der heilige geiste die einlive versach
0,573 mit liechter gâbe manicvalte .
0,574 er gap in den gewalte .
0,575 daz si -[...] ire lieben holden
0,576 -[...] hê -[...] diu si wolten -[...] unde
0,577 -[...] tiuvel unde siechtuom .
0,578 daz kom der werlte sît ze vrume